

اداره مرکزی :

انقره ده ، معارف امینلکی یاننده کی دائره
استانبول جاده سنده انقره

استانبول بوروسی :

استانبولده ، انقره جاده سنده 87 نومروده
دائرة مخصوصه

حیات

هماره دامامیان . . . دیار داهای حیره حیات قاتلم ا...

نومر 15 فروردیه

سنه لکی پوسته ایله 7,5 لیرا .
(اجنبی مملکتلر ایچین 7,5 دولار)

ابونه داغلان ایشلری ایچین استانبول بوورسته
مراجعت ایدیلیر .
یازی ایشلرینک مرجعی انقره مرئوسدر .

صافی : 90

انقره 16 ، آغستوس ، 1928

4 نجی جلد

مصاحبه :

حرف انقربلی معارف سفربر لکیر

یکی تورک حرفلرینک برآن اول تعمیمی ایچین یاپیلاجق تدبیرلری دوشونمک کونک اک مهم مسئله سیدر . منور و خلق کتله سنه یکی الفبامزلی یایمق ایچین یالکز بونلرک شکلرینی اوکره تمک کافی دکدر . بو حرفلره یازیلان کله لره کوزلری آلیشدریمق و هر کسده بوشکلرله معنا آراسنده ذهنآ ارتباط تأسیس ایتدیره جک وجهله اعتیاد تأمین ایله مک لازمدر . بونک ایچین هر صنف خلقک بو حرفلره یازیلش کتابلری ، مقاله لری متادیآ او قوماسی ایجاب ایدر . او حالده هر وطنداشه ترتب ایله این وظیفه بو حرفلره یازیلاجق کتاب ، مجموعه وغزته لری متادیآ او قومق ایچین تهالک کوسته زمک و حکومته طاندایش ده هر سوبه ایچین متادیآ فائده لی کتاب ، مجموعه نشر ایتدیرمکدر . دیمک اولویورکه یکی الفبامزک تولید ایدر جکی بویوک و فیضلی انقلابه ایمان ایدن هر کس کندنده لازم کن اغتیادی وجوده کتیرمک اوزره مطالعه یه حصر ایدر جکی زمانی تزیدیه مجبوردر . دیگر جهتدن بو حرفلری خلقه نشر وظیفه سنی درعهده ایدن حکومتده خلق ایچین جاذب و فائده لی یکی یکی اثرلر نشر ایتدیرمک ایچین هر تورلو معاوتی یاپاجقدر . بوندن نه نتیجه حاصل اولاجق ؟ بر کره وطنداشیلرده مطالعه ذوقی ، مطالعه انهامک واعتیادی آرتاجقدر . دیگر جهتدن بو حرفلره اک فائده لی واک لازم اثرلرک نشری سایه سنده مفید فکرلرده مملکتده یایلش اولاجقدر . بو صورتله یکی تورک الفبه سنی رلشدریمک ایچین

یایلاجق کثیف فعالیت معارفک تعمیمی ویکی فکرلرک نشری دیمک اولاجقدر . حرف انقلابدن سوکرا عرب حرفلرینی اوکره نمکسزین مکتیدن چیقاجق اولان مستقبل نسل ایچین ملی کتبخانه وجوده کتیرمک اهالی قابل اولمایان یر وظیفه اولاجقدر . اسکی کتابلر میاننده ملی کتبخانه مز ایچین الزم اولان اثرلری یکیدن تبع ایتدیرمک ، ملی کتبخانه مزلی هر صورتله زنکینلشدریمک مجبوریتندیز . تورک الفبه سنندن حصوله کله جک مسعود نتیجه یی تحقق ایتدیرمک مفکوره سی ملی عرفانمزی زنکینلشدریمک ، نشریاتی حمایه ایله مک عزمنی آرتیراجقدر . بوندن چوق خیرلی نتیجه لر حاصل اولاجقدر . کچن سنه معارف وکالتی بودجه سنه نشریات ایچین یوزبیک لیرا تخصیصات قویدینی زمان بعض طرفلردن اعتراضلر یوکسه لمش ونشریاتی حمایه ایچین قونولان بو پارانک فضله اولدینی اداسی بیله ایلری یه سورولمشدی . حرف انقلابنک مسعود نتیجه سنه ایمان ایدن هر کس آرتیق بونک اون اون بش مثلی فضله تخصیصات قونولماسنی طبیعی کوره جکدر . بو حمایه تألیف وترجه فعالیتنی آرتیراجق و بزده ده فائده لی و علمی اثرلر نشر ایله مک حیاتنی وقف ایله ییلر آرتاجقدر .

بو سفربرک اک مهم وظیفه یی معلملره تحمیل ایدیور . هر زمان مملکتده مدنیت و عرفان یایمق ایچین فدا کارلقه چالیشان بو کونک معلم کتله سی ، مفکوره لرینک تحقیقی ایچین اک انی بر فرصتی اللربنه کچر مش اولویورلر . حرف انقلابنی تماملامق ایچون یاپیلاجق جهد او قوما و یازمانی بو واسطه ایله طبیعت اوزرینه مؤثر فکرلری نشر دیمکدر . بو کون عمرینی بو غایه یه حصر ایدن معلملر ایچین بو انقلاب اوغرنده صرف ایدیلر جک مساعیدن داهاطاتی نه ایش اولایلیر ؟

محمد امین